



Universitätsbibliothek Paderborn

Svmmvla Caietani

Cajetan, Thomas

Antverpiae, 1575

Actus aliquis quare dicatur mortalis, vel peccatum mortale.

urn:nbn:de:hbz:466:1-41716

cet sumptus magnos in vestibus & annulis, & moniliis &c. facere: ideo si ornatus relatus ad personam est excessiuus in pretio, sine peccato non est. Communiter tamen videtur venialis huiusmodi excessus, superbus, stultus & vanus: non enim propterea equatur maioribus, quia ornatur preciosè sicut maiores. Caput septimum ex scando, hoc est ex occasione peccandi: quia ornata superflue mulier mouet ad sui concupiscentiam. Sed si ex parte mulieris non est intentio prouocandi, nec sibi placet quod prouocetur aliquis ad sui libidinosum amorē, licet placet ei quod laudetur ut pulchra, & vana superfluitate, & fuscō ornēt, non propterea peccat mortaliter: quia alii peccant mortaliter ipsam adamando: est enim occasio accepta non data: quum lōgē pulchriorem Deus naturaliter proponat aliquam mulierem: quae nulli dat occasionem peccandi, si exhibet sē conspectui publico, ac per hoc multorum adamantium illam. Si vis diffusē hæc discernere, vide commentaria nostra in quæst. clxix. Secundæ Secundæ.

Osculum potest esse honestum una de causa et vitiosum altera.

Osculum benevolentiae, bonum ac laudabile est iuxta morem patriæ inter quascunque personas sit. Osculum verò libidinis, nisi inter coniuges sit, est peccatum mortale: iuxta superius dicta de impudicitia.

Aetus aliquis quare dicatur mortali, vel peccatum mortale.

Pecatum mortale est, quod priuat in præsenti animam vita spiritualis amicitiae quæ est, seu esse debet inter hominem & Deum.

Homo enim qui est in gratia Dei, amat in veritate Deum

Deum plus quam quicunque rem creatam, & econtrario amatur a Deo ut charus amicus. Quia ergo priuat hominem spirituali hac vita, quae consistit in charitate, ideo dicitur & est peccatum mortale, & etiam quia facit hominem dignum morte aeterna, hoc est perpetua separatione a vita cœlestis patriæ, adiuncta simul perpetua miseria. Consistit autem omne peccatum mortale in offensa diuinæ amicitiae: quia quilibet peccans mortaliter, vel expresse, vel interpretative refutat Deum pro ultimo fine suo, & pro amico suo: dum manu illius implere voluntatem suam quam Dei: & ideo David dicebat Deo, Tibi soli peccaui. Et si hoc non penetras, vide ex contrario, quod existens in charitate præfert in amore suo Deum omnibus amabilibus, delectabilibus, honorabilibus, horribilibus &c. & sic videbis quod peccans mortaliter, ac per hoc amans aliquid aliud plus quam diuinam facere voluntatem, remouet Deum a loco suo quem in corde illius habere debet: quia non præfert amplius eum omni amabili &c. sed illud in quo peccat mortaliter, plurius facit pro runc quam diuinam voluntatem.

*Peccatum veniale quare sic dicatur,
in quo differat a mortali.*

Veniale autem peccatum non infringit diuinam amicitiam: utpote non contra sed præter diuinam existens voluntatem, non contra sed præter charitatem, non contra, sed præter diuina præcepta, & ideo veniam a Deo amico meretur: quemadmodum in humanis amicitiis si quis displicens amico, salvo tamen amicitiae fecidere acciderit, facile remittitur.

Pedagium illicitum, vide in verbo, Vetus gal.

Sig-